



Republika e Kosovës
Republika Kosovo – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO



Datë: 13.08.2025
Numër Protokolli: 5465/2025

A.nr.824/2025

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave, në përbërje nga: Malsore Gashi Bajraktari, kryetare, Eshref Shabani dhe Ardita Haxhnikaj Demi-anëtarë, me Atdhe Gashi, në cilësinë e procesmbajtësit, kanë shqyrtuar ankesën me numër A.nr.824/2025, të datës 05.05.2025, të parashtruar nga ankuesi K.Sh, kundër organit të punësimit/Ministrit të Mjedisit, Planifikimit Hapësinor dhe Infrastrukturës, në çështjen juridike “*transferim pas rristurimit*”, duke vepruar në pajtim me nenin 6, paragrafin 1, nën paragrafin 1.1 dhe nenin 18, paragrafin 1, nën paragrafin 1.5 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe në mbështetje të Rregullores Nr.02/2018 për Procedurën e Shqyrtimit dhe Vendosies së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të datës 13.08.2025, mori këtë:

V E N D I M

Përfundon procedimi administrativ i filluar sipas ankesës me numër A.nr.824/2025 të datës 05.05.2025, të parashtruar nga ankuesi K.Sh.

A r s y e t i m

Nëpunësi civil, K.Sh (*në tekstin e mëtejme referuar: ankuesi*), i cili sipas shkresave të lëndës është i punësuar në Ministrinë e Mjedisit, Planifikimit Hapësinor dhe Infrastrukturës, me datë 05.05.2025 ka parashtruar ankesë në Këshillin e Pavarur Mbikëqyrës për Shërbimin Civil të Kosovës e cila është regjistruar nën shenjën A.nr.824/2025 dhe protokolluar me numër 2965/2025, kundër Vendimit MMPHI-344/2025 dhe numër protokolli 595 të datës 18.03.2025, të Departamentit për Menaxhimin e Zyrtarëve Publik DMZP/MPB, lidhur me transferimin pas rristurimit.

Këshilli i Pavarur Mbikëqyrës për Shërbimin Civil të Kosovës(*në tekstin e mëtejme referuar: Këshilli*) bazuar në dispozitat e Rregullores Nr.02/2018 për Procedurën e Shqyrtimit dhe Vendosies së Ankesave në Këshillin e Pavarur Mbikëqyrës për Shërbimin Civil të Kosovës, më datë 21.05.2025 ka proceduar kërkesën për përgjigje në ankesën e ankuesit tek Njësia për Menaxhimin e Burimeve Njerëzore të Ministrisë së Mjedisit, Planifikimit Hapësinor dhe Infrastrukturës, ndërsa më datë 30.05.2025, ka pranuar përgjigjen në ankesë së bashku me shkresat e bashkangjitura.

Tutje, Kryetari i Këshillit pas pranimi të kërkesës së Kryetares së Kolegjit përmes Vendimit me numër VK/2025 dhe numër të protokollit 4154/2025 të datës 13.06.2025, ka shtyrë afatin për vendosje të ankesës me numër A.nr.824/2025, të parashtruar nga ankuesi edhe për dhjetë (10) ditë pune.

Kolegji për Shqyrtimin dhe Vendosjen e Ankesave (në tekstin e mëtejme referuar: *Kolegji i Këshillit*) pas shqyrtimit të shkresave të lëndës të parashtruar nga palët në procedurë konstatoi procedura e iniciuar sipas ankesës A.nr.824/2025, duhet të përfundohet në kuptim të nenit 104 të Ligjit Nr.05/L-031 për Procedurën e Përgjithshme Administrative, sepse:

Nga administrimi i shkresave të lëndës rezulton se ankuesi është i punësuar në Ministrinë e Mjedisit, Planifikimit Hapësinor dhe Infrastrukturës, gjegjësisht sipas Akt emërimit të datës 08.10.2013, mbanë pozitën e punës *Zyrtar për zhvillimin e programit të patentë shoferit*, në Departamentin e Automjeteve. Tutje sipas Vendimit me Nr.073/2024 të datës 29.03.2024 të Kryeministrit të Republikës së Kosovës, është miratuar Rregullorja (ZKM) Nr.08/2024 për Organizimin e Brendshëm dhe Sistematizimin e Vendeve të Punës në Ministrinë e Mjedisit, Planifikimit Hapësinor dhe Infrastrukturës, ndërsa në kuadër të përgjegjësiave ligjore, Drejtori i Departamentit për Menaxhimin e Zyrarëve Publikë në Ministrinë e Punëve të Brendshme me Vendimin me Nr.2392/2024, të datës 29.11.2024, ka themeluar Komisionin e Ristrukturimit për Ministrinë e Mjedisit, Planifikimi Hapësinor dhe Infrastrukturës, i cili më datë 03.03.2025 ka miratuar Raportin e punës me Nr.191, dhe propozimet lidhur me ristrukturimin për këtë institucion, duke propozuar që ankuesi të transferohet nga pozita *Zyrtar për zhvillimin e programit të patentë shoferëve*, në pozitën *Zyrtar i Lartë për Mirëmbajtje bazave të të dhënave*.

Si rrjedhojë, Drejtori i Departamentit për Menaxhimin e Zyrarëve Publikë në Ministrinë e Punëve të Brendshme, më datë 18.03.2025 ka nxjerr Vendimin MMPHI-344/2025 dhe numër protokolli 595, për transferimin e nëpunësit civil për shkak të mbylljes apo ristrukturimit të institucionit, me të cilin akt ankuesin nga pozita aktuale e ka transferuar në pozitën *Zyrtar i Lartë për Mirëmbajtje bazave të të dhënave* në Departamentin e Menaxhimit të Rrugëve.

Ankuesi, në ankesën e parashtruar në Këshill, kundër Vendimit MMPHI-344/2025 dhe numër protokolli 595 të datës 18.03.2025, të pretendon se i njëjti vendim është nxjerrë përmes shkeljeve procedurale administrative, shkeljes së ligjit për shërbimin civil, konstatimit të gabuar të gjendjes faktike, zbatimit të gabuar të së drejtës materiale, përkatësisht shkeljes së nenit 14 paragrafit 2 nën paragrafit 1.2 dhe 2.2 të Rregullores Nr.02/2024 për Transferimin e Nëpunësve Civil, duke theksuar ndër të tjera se gjendja e tij shëndetësore është jo e mirë, vendi ku është transferuar është në një largësi mbi 100 km nga vendbanimi i tij, i njëjti arrin moshën e pensionimit edhe 1 vit e 6 muaj, dhe po ashtu thekson se ekziston pozita e lirë Zyrar i lartë për zhvillimin dhe mirëmbajtjen e aplikacionit të e-testimit, andaj, kërkon aprovimin e ankesës, anulimin e aktit kontestues apo kthimin e çështjes në rishqyrtim dhe rivendosje.

Duke qenë se Këshilli i Pavarur Mbikëqyrës për Shërbimin Civil të Kosovës kishte pranuar disa ankesa të nëpunësve civilë të pakënaqur më procesin e ristrukturimit në MMPHI, ashtu që Këshilli me Vendimin me numër A.nr.786/2025, të datës 11.08.2025, ka aprovuar ankesën e datës 30.04.2025, të parashtruar nga të ankuesi B.T, duke shfuqizuar Raportin Përfundimtar të Komisionit të Ristrukturimit në MMPHI të datës 03.03.2025 dhe të gjitha vendimet dhe procedurat që rrjedhin nga ky raport.

Andaj, referuar gjendjes faktike si më lartë dhe duke marrë parasysh se objekti i kontestit sipas ankesës A.nr.824/2025, të datës 05.05.2025, ka të bëjë më vendimin për transferim për shkak të ristrukturimit, vendim ky, i pasuar si veprim nga zbatimi i Raportit Përfundimtar të Komisionit të Ristrukturimit në MMPHI të datës 03.03.2025, e duke qenë se ky akt është shfuqizuar si i paligjshëm me Vendimin A.nr.786/2025, të datës 11.08.2025 të KPMSHCK-së, atëherë, mbi bazën e këtyre rrethanave, e në

kuptim të dispozitave të nenit 104 të Ligjit Nr.05/L-031 për Procedurën e Përgjithshme Administrative më të cilat është përcaktuar se: “*Procedura administrative gjithashtu përfundon kur organi publik kompetent vlerëson se objekti për të cilin ishte nisur procedura ose qëllimi i saj është bërë i pamundur apo i kot*”. Kolegji vlerëson se objekti i ankesës A.nr.824/2025, është bërë i pamundur për shqyrtim dhe vendosje.

Kështu që, në mbështetje të nenit 18 paragrafi 1 nën paragrafi 1.5 të Ligjit Nr.06/L-048 për Këshillin e Pavarur Mbiqëqyrës për Shërbimin Civil të Kosovës si dhe nenin 104 të Ligjit Nr.05/L-031 për Procedurën e Përgjithshme Administrative, Kolegji vendosi që të përfundoj procedimin administrativ të filluar me ankesën A.nr.824/2025, të datës 05.05.2025.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIQËQYRËS PËR SHËRBIMIN CIVIL TË KOSOVËS
Lënda me numër A.nr.824/2025

Atdhe GASHI

Procesmbajtës

Malsore GASHI-BAJRAKTARI

Kryetare e Kolegjit

Vendimi i dërgohet:

- Ankuesit K.Sh;
- Drejtorit të Departamentit për Menaxhimin e Zyrtarëve Publikë në MPB;
- Njësisë për Burime Njerëzore në MMPHI; dhe
- Arkivit të KPMSHCK-së.